

Luz Vazdingz: Yunggh Vahcuengh Caeuq Vunzlai Gangj Lohfwngz Vanq Hoi Ak Duenqanq

□ Cau Dwzfeih raiz Dahdingz hoiz



▲Gicej bae Vujsenh caijfangj Luz Vazdingz(cungqgyang).

Goengbingz cingqngaih, dwg gij baujvang youqgaenj vunzlai roxnyinh ancienz caeuq vuenyungz. Youq Gvangjsih Vujsenh Yen, miz boux fazgvanh song vah ndeu, de yunggh Cuengh Gun song vah saemjleix anqgienth, hawj bonjfaenh caeuq vunzlai depgyawj; de doenggyaq hong bonjfaenh swfhaz hawj yinzminz ndaej fuengbienth ndaej ndeicawq, yunggh hengzdoengh guh'ok wngqcingz hawj yinzminz—Roengzrengz hawj vunzlai youq ndaw moix aen swfhaz anqgienth roxnyinh daengz goengbingz cingqngaih.

De coh heuhguh Luz Vazdingz, vunz Bouxcuengh, vunz Vujsenh Yen Dungzlingj Cin, seizneix dwg bouxfucwz Vujsenh Yen Yinzminz Fazyen Dungzlingj Yinzminz Fazdingz. De lwnh aen dem aen goj sengdoengh youh ngutngeuj ndaw gocwnz saemjleix anqgienth hawj gicej dingq.

Aen goj daih'it: Aen anqgienth yw bingh cengnauh fukcab

Bi 2017, aen anqgienth cengnauh cwzyin sonjhaih yw bingh Yiz moux gauq Vujsenh Yen Yinzminz Yihyen youz Luz Vazdingz cawjguenj banhleix haenx, dahlgw dog Yiz moux seiz louzyih senglgw ok loeklak dai bae. Daj laeb'anq hainduj, Yiz moux couh gangj ok gak cungj mbouj habhoz hawj fazyen rox, doeklaeng aenvih doiq gij gezgoj aen gihgou giemqdingh giemqdingh gij yienzaen dahlgw dai mbouj fug, youq fazyen nauh bae nauh dauq, iugouz dauqcungz giemqdingh. Hoeng aenvih mbouj hab diuzgienth dauqcungz giemqdingh, fazyen mbouj hawj.

Luz Vazdingz siengj daengz Yiz moux bi'ndwen mauhgvaq roekcib, cix aeu dingjsouh gij haemzhoj vunz gyauejhau soengq vunz gyauejndaem, bienqbaenz "boux vunzgeq saetbae lwgdog" lo, ndwenngoenz

vihneix mbouj miz giz ing giz baengh, hix saetbae giz baengh cingsaenz fuengmienth caeuq gij baujvang ciengxlaux, simcingz gikdoengh mienx mbouj ndaej. Luz Vazdingz doq daj gakdoh Yiz moux nai de, yunggh Vahcuengh caensim nai, naihsim gejgangj, gejgangj fapldw hawj de rox, doeklaeng hawj boux vunzgeq neix mbouj caiq doiqdingi; doengzseiz doq yunggh Vahgun caeuq bouxdaihleix Vujsenh Yen Yinzminz Yihyen ngaendoeng, doeklaeng song mbiengj yaeng baenz hezyi diuzgaij, Vujsenh Yen Yinzminz Yihyen mbat dog boiz hawj Yiz moux 56 fanh maenz ngaenz. Aen anqgienth cengnauh yw bingh neix gietanq ndaej baenz, ndaej vaqgej ngaekngeu song mbiengj, guh daengz yaugoj fapldw caeuq yaugoj ndawbiengz dox doengjit.

Aen goj daihngaih: Aen anqgienth cengnauh lizvwnh coegfwngz

"Vunzlai Bouxcuengh cungj dwg vunz gig cinghseuq lauxsaed, hawj gou gamjsouh cei q laeg dwg aen anqgienth cengnauh lizvwnh Liu moux caeuq Veiz moux." Mwh Luz Vazdingz lwnh aen goj daihngaih hawj gicej dingq naeuz.

Liu moux caeuq Veiz moux bonjlai dwg song gvanbaz doxgyaez, seng ciengx miz song boux lwg dwggyaez, hoeng doeklaeng Veiz moux sawqmwh baenzbag, caemhcai q yw ndaej haujlai nanz hix mbouj raen ndei. Gaengawq gij gvidingh diuz daihsam《Geij Aen Yigen Ciengzsaec Gvendaengz Yinzminz Fazyen Baenzlawz Nyinhdingh Gvanbaz Gamjeingz Caen Gaenq Mbouj Doxndei》Ceiqsang Yinzminz Fazyen, cungj cingzgvang neix hab gij diuzgienth lizvwnh, hoeng diuzgienth cenzdiz dwg itdingh aeu anceiq ndei mbiengj mehmbwk. Luz Vazdingz youq ndaw gocwnz

soengq faenzsaw dajgauq bae daengz rox daengz, ranz Liu moux dwg ranzgungzhoj, ranzmeh Veiz moux hix dwg ranzgungzhoj, danghnaeuz cawqleix mbouj ndei couh yaek ok ngaekngeu gyadingz caeuq vwndiz ndawbiengz.

Baenzlawz cawqleix ndei aen anqgienth coegfwngz neix? Luz Vazdingz siengj daengz itdingh aeu guh ndei gij hong neix, de caeuq gyoengq doengzsaeh bae daengz Ginhsiu Yauzyih Cinghsinzbang Yihyen liujgaij gij cingzgvang bingh Veiz moux, canghyw ndaw yihyen naeuz, Veiz moux geij ngoenz gonq cie p ndaej dena daxboh de, rox daengz Liu moux dajgauq lizvwnh le, gij cingzgvang bingh gig mbouj onjdingh.

Seizneix, Luz Vazdingz roxnyinh daengz, seiz caeuq Veiz moux gangj aeu louzsim fuengsik caeuq yunggh cungj vah lawz, aeu yunggh caensim hawj de gamjdoengh. Ngamq hainduj, Veiz moux yawjraen dan miz Luz Vazdingz caeuq gyoengq doengzsaeh de daenj buh fazgvanh daeuj, couh fajnaj saetmuengh naeuz: "Gvan gou mbouj daeuj ha?" Luz Vazdingz yunggh Vahcuengh lwnh de, gyoengqde seizneix dwg daeuj liujgaij cingzgvang, siengj banhfap bang de gaijgez vwndiz.

Mwh Veiz moux ndang youq diegrog dingqnyi Luz Vazdingz yunggh Vahcuengh mbanjranz caeuq de gangj, simcingz gaenjcieng yaepyet couh gemj noix, gwnz naj hainduj riu lo. Gangj daengz doeklaeng, Veiz moux yunggh Vahcuengh caeuq Luz Vazdingz naeuz: "Go fazgvanh, gou siengj gvaq gij saeh lizvwnh, gvan gou vunz dog ra ngaenz ciengx song boux lwg caeuq vunzgeq, lij aeu ra ngaenz hawj gou yw bingh, gou hix mbouj siengj hawj de baenzneix dwgengz, hoeng gij bingh gou fanfan foekfoek mbouj onjdingh, bohme hawj geq lo, ndaw ranz diuzgienth hix mbouj ndei, maqmuengh de anceiq ndei gou."

Luz Vazdingz youq mwh guh gij hong swhsienj mbiengj bouxsai Liu moux, Liu moux doiq Luz Vazdingz naeuz, yienznaeuz bohme hix bi'ndwen geq ndangdaej nyieg, gij rap gwnz mbaq naek, hoeng de itdingh haenqrengz hawj mbiengj mehmbwk sim'onj. Doeklaeng ginggvaq lai mbiengj siengj banhfap rom ngaenz ciq ngaenz, Liu moux mboujdan gyau gij ngaenz yw bingh Veiz moux youq yihyen liux, lij mbat dog aeu 15 fanh maenz ngaenz hawj Veiz moux gvaq ndwenngoenz caeuq yw bingh, caemhcai q gij cienz neix dwg ngoenz lingx saw diuzgaij haenx couh hawj lo.

Aen goj daihsam: Lohfwngz vanq hoi gaijgez cengnauh

"Gij saehcingz vunzlai danghnaeuz dangngoenz gaijgez ndaej, baenzlawz cungj mbouj louz hawj

ngoenz laeng!" Luz Vazdingz youh lwnh aen goj de loh fwngz bae vanq hoi, aen anqgienth cengnauh reihnaz couh sikhaek gaijgez ndei.

Bi 2014 ndwen 6, Vujsenh Yen Dunghyangh Cin miz aen cengnauh reihnaz gvendaengz Liuz moux 1、Liuz moux 2、Liuz moux 3 ndeu. Liuz moux 2、Liuz moux 3 dwg song beixnuengx caen, yienznaeuz song boux de bi'ndwen hung gvaq Liuz moux 1, hoeng gangj daengz baizban, Liuz moux 1 dwg boh'au song boux de, sam boux aenvih reihnaz gvi bouxlawz doxceng mbouj dingz, doeklaeng Liuz moux 2、Liuz moux 3 song boux daengz fazyen dajgauq.

Luz Vazdingz liujgaij gij cingzgvang aen anqgienth neix le, gibseiz cujci z song mbiengj diuzgaij, yunggh Vahcuengh hawj sim caeuq sim liz gyawj, maqmuengh song mbiengj doxnyienh, vaqgej ngaekngeu cengnauh ndeindei bae. "Song daeg lan mwngz bi'ndwen cungj hung gvaq mwngz, roek caetci b bi lo, dangguh boh'au mwngz wnggai naemjnaemj gij hoj song daeg lan, nyienh ndaej couh lai nyienh di, hawj gyoengqde sim'onj gvaq nienzlaux ha." Ginggvaq Luz Vazdingz naihsim gienq, Liuz moux 1 sim hix miz di doengh ndeu, hoeng de maqmuengh yunggh gaiq reihnaz wnq caeuq song daeg lan doxvuenh. Luz Vazdingz baez dingq fwt roxnyinh ra raen giz cungbyoengq. Yienhneix de bae ra daengz Liuz moux 2、Liuz moux 3 song boux neix, gangjmingz gij siengjgap Liuz moux 1, youq laj Luz Vazdingz naihsim gienq, song boux de nyienh vuenh reihnaz.

Bi 2014 ndwen 6 ngoenz 27, Luz Vazdingz caeuq vunz bouhmonz doxgven doxcaez daeujdaengz yienh-cienz cengnauh dag reihnaz. Vihliux vaiqdi gaijgez ngaekngeu cengnauh, Luz Vazdingz raen henz ndang miz doengj mbahoi ndeu, de mbouj goq yungyi emj aiq deng log sieng, sikhaek lohfwngz gaem mbahoi hwnj, yunggh daeuj veh sienq. Dag reihnaz veh sienq ca mbouj geijlai song aen cungdaez, song ranz vuenh reihnaz ndaej baenz, anqgienth gaijgez ndaej ndei.

Luz Vazdingz youq gwnz gangjvei guhhong nyinhcaen guhhong, lai baez aeundaaj gak cungj mingzdaez. Bi 2015 ndaej bingz baenz bouxvunz nienzdoh senhcin Vujsenh Yen Yinzminz Fazyen, bi 2016 ndaej bingz baenz bouxvunz senhcin "ndwen caephengz" daihngaih fazyen daengx si, bi 2017 ndaej bingz baenz "bouxvunz senhcin hozdung cienhangh bak ngoenz cingleix anqgienth" fazyen daengx gih, bi 2018 ndaej bingz baenz "bak boux bouxak gangjvei" fazyen gihcwnz daengx gih.....